



## **KOMUNIKADO PA PRENSA**

*Fecha*

08-03-2018

*Kolaboradó di Komunikashon*

Jhanirha Da Costa Gomez-Anita

*Email*

[jhanirha.anita@gobiernu.cw](mailto:jhanirha.anita@gobiernu.cw)

**Relashoná ku posibel konekshon permanente entre Pater Euwensweg i Gouverneur van Slobbeweg:**

### **Ta analisá e área di mangrove na Rif**

Willemstad – Minister Jesus-Letio huntu ku Servisio pa Obra Públiko (OW) ta laga hasi un análisis di e área di mangrove na Rif. Meta di esaki ta pa evaluá e posibilidat di un konekshon/kaya permanente entre Pater Euwensweg i Gouverneur van Slobbeweg ku lo por pasa patras di Pisina Benny Leito. A enkargá un eksperto riba e tereno di naturalesa ku mester hasi e análisis aki kual ta kuminsá dia 15 di mart 2018 i tèminá dia 29 di mart 2018. E resultadonan di e análisis lo yuda Gobièrnu den e proseso pa yega na un desishon pa un konekshon permanente pa tur dos Megapir.

Gobièrnu ta evaluá e konekshon entre Megapir i Pater Euwensweg ku tin aworakí mirando ku e konekshon aki ta importante pa:

- tráfiko pa, i for di, tur dos Megapir,
- i futuro desaroyo den e área di Rif.

Ta esensial pa tin un di dos entrada pa e área aki.

Pa Gobièrnu ta importante pa realisá e mihó infrastruktura posibel, semper teniendo kuenta ku tur interes den e área. Un di e interesnan i balornan importante ta e área di mangrove. Pa determiná un posibel konekshon entre e área di mangrove i e desaroyonan na Rif, mester studia e relashon entre e área di mangrove i e posibel konekshon permanente.